

從來結習縱貪婪膠擾心靈苦不堪正令乍行邪並遣真功微
契道能參多生識寇知遊北歷劫迷方意指南世世生啖黃
藥乳塘纔食便分甘

實行

後已先人謙又謙平懷本分自清廉利生接物仁無失契理明
真義亦兼莫幻妖邪驚世俗休生詭異誑閭閻本行德業能深
積向上機關不用拈

真功

休尋南嶽與天台名相虛頭盡咄回財色兩忘心地穩是非雙
泯性天開真誠清靜行無間公正仁慈德備該外行內功俱有

道藏輯要

雲山集

三

易集六
川〇三

積亘容圓滿寶花臺

劉輔之有女之戚

造物無情相戲弄笑中不覺成悲慟司花幻出真可人醞造十
年歡喜夢夢破俱空猶不懂盡心粧點傾城送聲銷線斷各還
家活墮一場乾取哄

化空

造化相謾人不識變態神通誰委悉電轉機關不可防黯黯前
程暗如漆翻掌存亡與消息朝四暮三顛倒七憂喜橫生沒奈
何一團虛幻看成實

風波